

國民 文獻 分類

民國文獻類編

教育卷

799

民國時期文獻保護中心
中國社會科學院近代史研究所
編

國家圖書館出版社

民
國
文
獻
類
編

教
育
卷
799

民
國
時
期
文
獻
保
護
中
心
中
國
社
會
科
學
院
近
代
史
研
究
所
編

國
家
圖
書
館
出
版
社

2812.6
101799

Aut 1334/05

第七九九冊目錄

雲南省教育會民國十三年年鑒	雲南省教育會編	雲南省教育會，一九二四年出版	……	一
雲南省教育會第一次代表大會專刊	雲南省教育會編	雲南省教育會，	……	一八七

雲南省教育會

民國三十年

丰

鑑

弁言

年鑑者撮述一年經過之事
實所以為次年之印鑑也有世
界年鑑有本國年鑑有各
項以務年鑑教育會範圍雖
較狹事務雖較簡然所以鑑往

迄勵來茲者其揆一也本會自
清季以來地點之爭執經費之
籌集職員之改組至今日始驟
而有進步矣然少人賴之競爭日
劇教育之改進益多廿世紀以往來
日大難所賴我同人本舊者之精

神促進本省之文化不以十三年增
益之事業為已足十三年以後之
精進更期諸無窮則斯冊之成
等諸筌蹄萬夫焉豈非本會之
大幸哉

由雲龍謹識



雲南省教育會民國十三年度年鑑

例言

(一) 本編專載本會直接辦理及曾經建議事件其爲教育行政機關及各學校所辦未經本會參預者本編概不闕入

(二) 本編定本年十二月內出版所載皆本會本年十二月十一日以前事件其在十二月十一日以後發生或以前漏叙者概留俟來年續編時續彙載之

(三) 本編忽忽草創一切編輯校勘均限於時日未能詳審其中望漏舛誤在所不免來年續編容有改進之可能惟在本年則華路藍縷實難求全責備閱者諒之

目錄

民國十三年以前大事補記第一	(一)
會員姓名籍貫第二	(二五)

評議部改選第三		(一八)
幹事部改組第四		(一九)
名譽會長及執行會務者第五		(二二)
紀事第六		(二三)
出版物第七		(三三)
檔案卷宗第八		(三三)
圖書閱覽室第九	附圖書目錄檢查表及閱覽室規則與閱覽人數統計	(三四)
圖書標本交換所與科學教材陳列所第十		(四二)
省區教育經費籌集委員會與小學教材調查會第十一	附組織大綱	(四三)
體育運動場第十二		(四六)
財產管理第十三	附房產租佃調查表	(四七)
器物檢查第十四	附器物檢查表	(四九)
民國十三年度經費決算案第十五	附決算表	(三七)
民國十四年度經費預算案第十六	附預算表	(四七)
公辦吳益齋喪事第十七		(五一)
學業成績考試委員會議案之實現第十八		(五三)

雲南省教育會民國十三年度年鑑

●民國十三年以前大事補記第一

本會自開辦迄今十有六年矣此十有六年中經歷概況猝難殫述今方開始編印年鑑從今年起以後每年必印年鑑一期惟今年以前未及補編良深缺憾爰圖救濟刺取已往大事撮要彙記作爲本編開宗明義第一章分節如左

(一)成立緣起

本會在前清依學部奏定教育會章程定名曰雲南教育總會其初實自雲南自治公會蛻變而來雲南自治公會者曾任學務公所議紳陳度所創辦也以光緒三十三年十月開始設會所於省垣永寧宮辦理戒煙天足及課蠶桑設學堂等事其經費取給於官紳捐款既乃呈准酌撥三迤卷金公產租息補充之迨宣統元年學務公所暨各學堂並自治籌辦處所有重要紳士陳榮昌顧視高吳琨李坤金在鎔李增由雲龍張舜琴錢用中周鍾嶽秦光玉吳暹秦康齡劉淇陳文翰張肇興蕭瑞麟蔣谷楊實楊學禮丁燦南繆果章章紹賢朱獻清李文清李春醴李燮義胡祥樾郭其光等始一致聯名發起雲南教育總會議定以雲南自治公會改爲之以即是以是年八月成

立先期擬具會規呈司詳院咨部立案洎民國二年始依教育部頒規程正名曰雲南省教育會

(二)會所地點之確定及其場屋之改建與民房之添購

方自治公會之改爲教育總會也原議會所地點由永寧宮遷入寶線街雙公館既格於審叛廳之擴張領域乃改遷入禁煙局騰出之鹽道街公屋未幾迫於鹽政公所之借用又遷入雙塔寺旁之鹽龍王廟未幾又有礦政公所與工礦學堂之指用新建最後乃遷入長春坊勸業道舊署即今確定之會所也在未確定以前疊次播遷費盡同人幾許心力嚴重交涉僅乃得此及既確定以後復有礦務監督與礦業督辦暨憲兵司令部先後藉故謀奪均以同人竭力堅拒彼乃無如我何蓋地點之確定固已創業維艱而守成亦不易易矣以是同人再進一步始有規畫久遠改建全部場屋之新計畫初改建中層成爲中層樓房六棟脊頂層樓二棟左有東廂樓八棟右有西廂樓前後各三棟當是時同人鑒於前此會所屢變疊受外界之謀奪也乃呈請省長公署立案大要謂會所之改建純由會員捐資落成請永久定爲本會會所以後無論何界不得藉故謀奪云云業奉省長公署核准而本會所基礎始固又中層西面徐姓耳房山牆係與本會共之曾訂有合同碑記泐於牆上足資考證繼乃改建前層成爲大門中門各一道運動場一區出

租舖面樓房三棟後各有左右偏廂別有出租樓房兩院繼又改建後層成爲新式大會場一院概用土敏土及磚石堅牢築砌上蓋地瀝青中有演說壇及聽講廣場並旁聽廂樓又可用作電影場最後復興前層改建未竣之工程成爲前層樓房六棟噴水池一區中有地球儀及金馬碧雞模型所有門房號房茶房廚房均於是役一律修整計先後改建除沿川勸業道舊署地點外並添購民房二份其一在東隅係空地一方縱橫各約六尺向李姓購用即今閱覽室東南角所使用之地面也其二在東南隅係民房二院向王姓購用除拆卸一部作爲運動場外復改建得住房兩院出租與張陶兩姓其三在東北隅係民房一院向解姓購用除建築大會場使用牆基一部分並添建廁所外其餘仍出租與民間均先後付價立契永作本會公產毫無糾葛

(三) 經費收入之確實及其防止再借新債並力謀清償舊債

本會經費收入如會員常年捐與入會捐暨其他特別捐與各種臨時收入均時有增減無一定額數惟公產租息與官廳補助費兩款較爲確實查公產租息一款內分新舊兩種新者坐落會所前後購置修建煞費經營已如前述舊者坐落西院福照二藏甬道各街原係三進卷金遺產初撥入自治公會既乃轉入本會自本會取得所有權後曾按月提出一半以之次第償還三進卷金時代借欠藩庫已酉年保送優拔舉貢赴京應試路費銀八千數百兩暨借欠高等學堂建

築甬道街舖面工料銀一萬兩均經償清完案在民國元二年間曾有共和民主國民各政黨在滇支部暨本省三迤總會先後向本會謀奪此項房產均以本會之往返辦駁並賴教育行政官廳及巡按使省長主持正義盡力保護卒乃基礎穩固不致爲所動搖計新舊兩種公產所收租息據最近冊報月約收銀八百數十元是爲本會確實收入之第一宗至官廳補助費一欸則自宣統元年十月自治籌辦處允准月撥該處印報費一百九十九兩五錢作爲本會印報經費以後本會逐年均按月領支迨辛亥重九革命民財兩司總宣告停發此欸經本會據理力爭乃減成核發初准月發銀九十兩既又改爲月發銀一百二十五元中間惟民國五年護國軍興暫行停發一年其餘各年均按月領發祖沿至今未改是爲本會確實收入之第二宗有此兩宗確實收入原可勿須借債徒以歷年改建新屋購用民房不能不暫行借債支付遂致負欠七千餘元之巨所幸同人及早覺悟一方防止再借新債一方力謀清償舊債民國十二年四七月兩次修改會章均以此義訂入章程條文其第五條曰本會以後不得再借債欸第六條曰本會須陸續償還舊借債欸俟償清時並須造成獨立基金力謀經濟之穩固斯誠本會懲前毖後之至計不容輕率變更者矣

(四)雲南日報之創辦與教育雜誌之改編

本會開辦之初即出有日報一種命名曰雲南日報以宣統元年十月創辦發行自後繼續辦理有由雲龍周鍾嶽李增張鴻翼趙式銘甘德明甘德芳繆爾綽繆爾紆陳興廉覃寶琬李華丁其彥李春醴李鼎掄李春富蘇澄劉維垣方樹屏錢川中等先後擔任撰述及編輯洎辛亥革命同人以他事牽繫無暇再編日報乃收縮範圍改編教育雜誌有王用予鄭崇賢趙國政馬秉昇陸懷德余登瀛龔自知張祿等先後擔任撰述及編輯其出版大都爲月刊或臨時刊泊民國十二年曾改爲半月刊歷時四月出版八期仍復月刊之舊又民國九年龔自知鄭崇賢王用予曾編輯民覺日報凡十七日民國十二年龔自知鄭崇賢陳秉仁曾編輯第九屆教聯會會務日刊凡十六日雖僅短期之任務然其關係甚巨亦本會編輯部之最堪紀念者也

(五)雲南私立第一中學校之發起與新體中等國文講義之編印

本會附設之私立學校在前清宣統年間則有雷秉衡任教之單級小學繆爾紆任教之國文補習班何鏐任教之英文補習班入民國後則有張士麟鄭崇賢二人任教之數學夜校吳幹芬任教之英文夜校然皆歷時不久輒經合併或解散故無畢業成績之可紀若夫歷時四年有半學生畢業兩班成績最著者應推民國元年發起之雲南私立第一中學校其發起人爲陳興廉劉鍾華張士麟繆爾紆袁丕鏞李春醴謝顯琳左自箴汪學謙李錫桐丁兆冠鄭崇賢張鴻翼布青

陽李曰祺余登瀛楊煦王用予等以是年七月招收學生四十六人編爲甲班至民國二年二月招收學生七十三人編爲乙班初擬每學期必招生一班四年招足八班嗣因先後呈請撥用學政實業兩司之空閒官署暨自治局之空閒屋場均以多所阻礙不克成爲事實卒乃附設於本會其地點僅得教室二個餘若寢室自習室操場等大都因陋就簡地甚狹隘勢不能於甲乙兩班而外再添班次且經費支絀開辦費及經常費純由發起人捐款及學生繳納學費民國三年八月兼巡按使唐將軍親蒞該校視查飭財政廳由所收舊欠鹽款項下提銀四千元發給補助又格於財廳公款之拮据迄未領獲所收學生學費月各一元僅敷雜支校長劉鍾華張士麟學監鄭崇賢均純盡義務至於各科教員除國文教員及英文教員酌支津貼外均不受新津尤難得者王用予任國文教員除不受新津外並以自編之新體中等國文講義付開智公司印售所得利益概捐作該校經費自民國五年十二月中乙兩班學生先後畢業該校遂即停辦僅留有鄭崇賢手編之報告書與王用予手編之新體中等國文講義各若干冊而已

(六)雲南學會之發起與各縣地誌之編印

民國七年九月童振藻發起雲南學會擬具意見書及章程提出於本會經本會議決呈准附設並由本會擔任出版及調查各費即公推童君爲雲南學會幹事長擬具雲南省地誌資料細目